



N°56
Entrée le 28.11.2023
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 29.11.2023
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 28/11/2023

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Mobilitéit an Ëffentlech Aarbechten weiderzeleeden.

D'Europäesch Kommissioun huet am Dezember 2021 en Aktiounsplang adoptéiert, deen d'Promotioun vun Zuchtrajeten iwwer laang Distanzen an domat eng méi nohalteg Mobilitéit virgesäit (Action Plan: boosting long-distance and cross-border passenger rail). De Schinnereseau soll an Zukunft vill besser a méi schnell kennen op de Marché an d'Besoinen vun der Bevëlkerung reagéieren. An dësem Kontext huet d'Kommissioun déi national Bedreiwer (op staatlech oder privat) dozou opgeruff, Pläng vu Pilot-Projeten eranzeginn vun neie Verbindungen oder Verbesserungen vun existente Linnen. Aus all dëse Projeten huet d'Europäesch Kommissioun 10 Projeten ausgewielt, déi staark promovéiert, begleet an ënnerstëtzt solle ginn. An der Lëscht vun de Projekte fënnt ee Verbindungen queesch duerch Europa, vu Schweden iwwer Däitschland, Frankräich an zum Beispill och Spuenien an Italien. E Lëtzebuurger Projet ass hei net ausgewielt ginn. Lëtzebuerg spillt an eisen Aen duerch seng zentral geographesch Positioun an Europa awer eng zentral Roll an der Promotioun vu laangen Trajeten a vum intra-europäeschen Zuchreseau.


An deem Zesammenhang wëllt ech der Ministesch dës Froe stellen:

1. Wéi positionéiert sech déi nei Regierung betreffend dem Ausbau vun der Offer vu laangen Trajeten an Nuetszich?
2. Hu mir iwwert eisen nationale Bedreiwer am Kader vum Opruff vun der Europäescher Kommissioun eng Proposition agereecht?
3. Falls eng Proposition agereecht ginn ass: Wéi eng Proposen oder Propositionen a Verbindungen sinn hei agereecht ginn?
4. Falls eng Proposition agereecht ginn ass: Ginn et Iwwerleeungen dës Pläng onofhängeg vun dem Choix op europäeschem Niveau awer ëmzesetzen?
5. Falls keng Proposition agereecht gouf: Wéi eng Iwwerleeungen hunn dozou gefouert hei keng Proposen anzereechen?

Mat déiwem Respekt,



www.piraten.lu



GOERGEN Marc
Deputéierten

